



2 ABRAHAM


לְאֵלֹהִים יִסְמָךְ וְלֹא יִשְׁדָּךְ קָרָא לְיִצְחָק וַיִּקְרָא וַיֵּדָע
וַיִּהְיֶיב קָרָא יוֹם אַחַד: פּ וַיִּאמֶר אֵל

ABRAHAM GA E BYU RAYUQ NYI RI. YHANG GI, HPARA LHO PE LE GARAI GA A LUMJING NGHUT RI. HPAN SU GI, GARAI GASANG NGHUT E HKYO EQ YHANG LE ALHO DONG NOQKLUQ E HKYO A GE KUT E LE, ABRAHAM SE NYI RI.

B.C. 1921 KO MA



GARAI GASANG GI, YHANG LE, "ABRAHAM E, HPARA LHO NOQ E MYUQ SHI MAI HTOQ LO AQ. NANG E YHUMBYU WUI EQ NANG MAU LE TO PYAM TO AQ, NANG HKA E RA LE, NGO TAI KYO RA. NANG LE, NGO, BYU MYO MO E YHANGWA DUT NHANG RA. NANG LE SHIMAN BYI BANG LE, NGO SHIMAN BYI RA, NANG LE NHING BANG LE, NGO NHING RA. NANG E YANMAI, MYIDAM HTOQ MA E BYU MYU CHANGJUP SHIMAN BYI E HUI RA NGHUT LHE." GA RI.



YHANG WO GYO E HTE GI, GARAI GASANG E HTE NGHUT E LE, ABRAHAM SE RI. HAU MU, YHANG HKA LO E A SE KOLE, GARAI TAI E DANG GYO RI. YHANG GI, HPARA NOQ HKYO LE NUNGTANG MA TO PYAM TO MU, DUI NYI E GARAI GASANG HTANG CHANG NYI E HKYO LE SE RI. HAU GI, ABRAHAM E MATU GE LIUQ BE NGHUT RI; NGHUT KOLE, YHANG GUMANG LOT LE LE SHUI CHUNG RI.

SHI-NO HKYO EQ YUBAK MARA LE LHOQ HTEN PYAM RA ZOSHANG GA DANGGIDIQ BYI TO E SU GI, ABRAHAM NGHUT ANG RA LHU?

ABRAHAM E LO E HKYOWUI GI, HKA-NAN MAU MA JE GYO LO BE NGHUT RI. HAU MA, GARAI GASANG, YHANG LE DANG NYO E GI,



ABRAHAM, MAU RAHTANG MAI GOHTANG JE SHOQ SO WUI AQ, NGO, HTANGNUNG LHE E NANG E AWLIT ASHIN PE LE, HKA-NAN MAU SHI BANSHOQ BYI RA NGHUT LHE. A LING NGHAP LO SHOQ E ZODU WUI, NGO, NANG LE BYI RA NGHUT MU, YHANGMOQ GI, MYIDAM HTOQ MA E HPUIHLUP SU MYOLU JE BE KO RA NGHUT LHE.



SARAH, NANG GI, ZANWUT MYO MYO LANG NYI E HTANGMA, ZODU WUI WO RA NGHUT LHE GA GARAI GASANG NGO LE TAI RI.

NGO HKA-NHAM LE ZO A WO WUI E LE NANG SE LHE, HAU HTOQ AGO, NGO, AHKUI ZO WO HKYING LAI BE NGHUT LHE. ZOSHANGKASU GE WO LO RA LHU?

NANG WO RA NGHUT LHE GA GARAI GASANG TAI RI.



ABRAHAM GI, MALUMYI HAU MA SO LHING LO MU, GARAI GASANG LE, SUI SHUN HKLINGGA NHONG BYI RI. YHANG GI, YUBAK BYU NGHUT LUI, SHI GING SU NGHUT E LE SE MU, ABELAQ SU LUMJING MYIT MAI HKLINGGA NHONG BYI E NGHUT RI.

SAU ZO HKLINGGA GI, ABRAHAM E MARA A WO YU PYAM BYI KOLHANG, GARAI GASANG GI, ABRAHAM E LUMJING MYIT LE MYANG MU, YHANG MARA NGHOP PYAM BYI RI.




RAXE ZAN LAI HTANG MA.

ABRAHAM E, NGO NUNGZO HKU RA NGHUT LHE GA GARAI GASANG TAI RI GA LUI, LAI LO BE RAXE ZAN MA NANG TAI E NGHUT LHE. AHKUI, NGO GI, 75 ZAN BO, NANG GI, 85 ZAN BO BE NGHUT LHE. NGA-NHIK GI, MANG LO NYI BE NGHUT KOLE, ZO A WO SHI, A MYANG MA GI LUM MANG MU, JE RIYHANG ZO WO JUNG A NGHUT LO, NANG GI, HKYAK YHANG GARAI E DANG LE WO GYO E NGHUT LHE LHU?



NGO LE DANG NYO E SU GI, GARAI NGHUT E LE, NGO SE LHE; NGHUT KOLE, HAI MU HAU-I MYANG SHOQ LANG NHANG NYI E LE GI, NGO A SE GYO. YHANG TAI LE, NGO GI, BYU MYU MO E YHANGWA DUT RA NGHUT LHE GA RI. NGHUT KOLHANG, NGO GI, NGA E MANGZO GLINGDU, NGA MYI MANG BALDUNG MO ZA WO E NGHUT RI.



ABRAHAM E, HKAGYUQ, NGO GI, NANG LE UP ZUNG SU EQ CHYUNG-HUQ MO BYI SU NGHUT LHE.

NGO ZOSHANG YUQ A WO LE NHING, NANG, HAI JUNG CHYUNG-HUQ BYI RA LHU?

NANG EQ SARAH GI, ZOSHANG RAYUQ HKU KO RA NGHUT LHE.



NANG TAI E SU DUT RA NGHUT E HKYO LE, NGO LUMJING LHE.

ABRAHAM, LE MU, MALIHKUNG MA E KYI PE LE WU AQ, NANG WO NGHAP RA LHU? HAU KYI PE SU, A LING NGHAP LO SHOQ NUNG ZO PE MYO RA NGHUT LHE.

NANG, NGO LE LUMJING E YANMAI, NGO NANG E LUMJING MYIT LE DINGMAN SU NGHUT SON BYI RA NGHUT LHE. NANG E ZODU WUI GI, YHANGMOQ E MAU A NGHUT JANG MA BYU BING KUT KO RA NGHUT E LE SE TO AQ. JUN DONG YHANGMOQ 400 ZAN JAMJAU HUI ZO KO E HTANG MA, NGO GI, HAU MAU BANG LE DAM BYI LUI, NANG E ZODU WUI GI, SUTZE MO WO E YEQ HAU MAU MAI HTOQ LO KO RA NGHUT LHE. HAU MU, YHANGMOQ GI, SHI MAU MA TAU LO KOLLUI, LO NYI TO KO RA NGHUT LHE.



DANGGIDIQ BYI TO E ZOSHANG GI, HKAMA LHU? RANYI EQ RANYI, NGO GI, MANG LO NYI BE. A MYANG MA, NANG LE ZO MYLI WO LHOQ HTOQ RA A NGHUT LO. ABRAHAM E, NGO GI, HKA-NHAM LE NANG LE ZO HKU BYI RA A NGHUT LO.



SHI MAU MA E HTUNGLI DONG GA JANG, NGA E DUI-NHANG ZOSHANG MYHI GI, NGA E MATU ZOSHANG GE HKU BYI E NGHUT LHE.



ABRAHAM, HAU GI, NGA-NHIK E MATU LO HTANG E HKYO NGHUT E LE, NANG A MYANG LHU? HTANG GYAI A GYO SHI MA, NANG GI, YHANG LE YU MU, ZOSHANG HKU NHANG AQ. HAU GI, GARAI GASANG O NAI E HKYO NGHUT LHE. HAU A NGHUT JANG NANG GI, BYLI MYLI MO E YHANGWA HKASU GE DUT RA LHU?



HAU DONG ZA RU WO DUT ALO.

ABRAHAM GI, GARAI GASANG LE KYU A DUNG NGHUT RI. YHANG GI, GARAI GASANG E DANGGIDIQ LE TO MYHI PYAM MU, YHANG MYI E DANG LE GYO BE NGHUT RI.



LHOHKYAP ZOM RA LAI HTANG MA

NGO GI, ABRAHAM E YHANGZO HKU BERA NGHUT LHE.

HAGARA GI, ABRAHAM EQ ZOGLING WUN TO BE LE SE JANG, NGHUTBUN LO MU, SARAH LE WU TIQ PYAM RI. SARAH GI, MANON LUI, MYIT A NGON DUT LO RI.



SARAH GI, HAGARA LE A NGUI MU, MU HTAN ZUI NHANG RI. GARAI GASANG GI, YUQGE RA YUQ LE, MYIWE I YUQ HKA-NHAM LE A YU NHANG E HTOQ AGO, MYI NGE MAI ZODU WO NHANG E LE A KUT NGHUT RI.

NANG WUI BAN HKAM JANG, HTANG JIK AQ.

HAGARA GI, HPANG RA DA BE NGHUT RI.

HAGARA GI, SARAH CHYANG MAI HPANG HTOQ MU, YOSO DANKONG SHUT HPANG E LO RI. YHANG GI, NGU BYUQ MU, A WO XOQ SO LO E HKUN, A WO DUI LOSHOQ MOI BYUQ BE NGHUT RI. GARAI GASANG GI, HAGARA HPUZO E HKYO LE MYANG MU, YHANG LE DANG NYO RI.



HAGARA E, SARAH CHYANG TAU LO MU, YHANG E A-O MA LO NYI AQ. NANG GI, YUQZO RAYUQ BAI RA NGHUT LHE, YHANG LE ISHMAELAQ NGHU MYHING BYI AQ. HAU GI, "GARAI GASANG GYO BYI E" GA E LICHYUM NGHUT LHE.

A LING NGHAP LO SHOQ E ZODU YHANG MAI MYO LO RA NGHUT LHE. ISHMAELAQ GI, BYUJUM RAYUQ DUT RA NGHUT LHE. YHANG GI, HKA-NHAM LE YUQ HKANGMO LE GYE KUT MU, YUQ HKANGMO GI, YHANG LE GYE TAU KUT KO RA NGHUT LHE. YHANG GI, HKA-NHAM LE YHANGGU YHANGMANG PE CHYANG NAM MA NYI RA NGHUT LHE.



HAGARA GI, YHUM TAU LO MU, ZO BAI BE NGHUT RI.

ZOSHANG SHI GI, ABRAHAM E YHANGZO NGHUT E YANMAI, BYU MYU MYO MYO E YHANGWA DUT RA NGHUT LHE GA GARAI GASANG NGO LE TAI RI.

ISHMAELAQ GI, ARABIK BYU MYU BANSHOQ BANG E IWA DUT E NGHUT RI.

ISHMAELAQ HKU E HKUN, ABRAHAM GI, 86 ZAN BO BE NGHUT RI. ISHMAELAQ HKU HTANG A MYANG MA, ABRAHAM GI, LUM MANG LUI, ZO WO HKU RA SU A DUT LO. ISHMAELAQ GI, GARAI GASANG DANGGIDIQ BYI TO E ZOSHANG NGHUT RA LHU? NGHUT KOLHANG, ZOSHANG HAU GI, SARAH EQ ABRAHAM MAI LO RA NGHUT LHE GA GARAI GASANG TAI RI.



ABRAHAM EQ SARAH GI, ZO HKU RA MATU LUM MANG BE NGHUT JANG, GARAI GASANG GI, YHANG E DANGGIDIQ LE HKASU LHOQ DIK RA LHU?

ISHMAELAQ GI, 13 ZAN BO MU, ABRAHAM GI, 99 ZAN BO E HKUN, GARAI GASANG GI, ABRAHAM LE DANG DUM NYO RI.

ABRAHAM E, NGO GI, DIK SHOQ ATSAM BO SU NGHUT LHE. NGO, NANG LE TAI E GU BANSHOQ KUT AQ, MARA HKAKUT SHUT. HI LE NGO TAI E EQ RAJUNG ZA, NGO GI, NANG E ZODU LHOQ MYO BYI MU, NANG GI, BYU MYU MYO MYO E IWA DUT RA NGHUT LHE. NGO GI, NANG EQ LE, NANG E AWUT ASHIN PE EQ LE, NGA E DANGSHIKAQ TO RA NGHUT LHE.

NGO GI, NANG E ZODU WUI LE, AHTUM ABYUQ NYI RA JOWO DONG HKA-NAN MAU BYI RA NGHUT LHE. NGO DANGGIDIQ BYI TO E EQ RAJUNG ZA, SARAH GI, ZOGUNG WUIN MU, ZOSHANG HKU RA NGHUT LHE. ZOSHANG HAU GI, BYU MYU MYO MYO E USHUQ DUT RA SU NGHUT LHE.

HA-HA. HAU GI, HKASU WO DUT RA LHU? NGO GI, 99 ZAN BO BE, SARAH LE 89 ZAN BO BE. NGA E GUNG GI, SHIGUNG DONG NGHUT BE. NGA-NHIK GI, ZO A GE WO LO. JEJU MAI, ISHMAELAQ LE, DANGGIDIQ BYI TO E ZOSHANG DUT NHANG LAQ.

A WO DUT, SANG-HI MAI NGO TAI E EQ RAJUNG ZA, SARAH EQ NUNGNIK E GUNG MAI YHANG ZOSHANG HKU RA NGHUT LHE. DANGGIDIQ BYI TO SHIMAN JEJU GI, HAU YUQ DONG MAI BYI RA, ISHMAELAQ MAI A NGHUT. RAZAN GYORO MA, SARAH GI, YUQZO RA YUQ HKU RA NGHUT LHE.

WO DUT RA LHU? NGHUT LHE, XANGZO BYU GUNG LE HPAN SU GARAI GASANG GI, SHIGUNG DONG NGHUT E NGA-NHIK GUNGDU LE HKYAK WO DUM DUT NHANG LHE... GE GE YHANG, GARAI GASANG GI, WO KUT LHE!



RA-I NYI LAI HTANG MA, BYU SUM YUQ GI, YOSO MAI HTOQ LE LO AKO. YHANGMOQ GI, GYAI WE MAI LE LO BANG SU LE A DUT, CHYANG NHAM MA E BANG SU LE A DUT KO NGHUT RI. YHANGMOQ GI, WUM BO LUI, WU LUM NHO ZA E BANG, ASAK HKA KYO NGHUT E LE A WU SE E BANG NGHUT AKO.

ABRAHAM GI, YHANGMOQ, CHYANG LE LO E LE WU NYI LE, GOBANG EQ A DU E LE WU SE RI. NGHUT KOLHANG, YHANG GI, BING HAU BANG, MINGKAN MA E BYU PE A NGHUT KO E LE, A WU SE NGHUT RI.



YHANGMOQ MA E I YUQ GI, CHYIYUNG MAUMANG NGHUT AKO, RAYUQ KUM GI, GARAI YHANG NGHUT KOLE, ABRAHAM LE WO NYO RA MATU MAUMANG E GUNGHYANG DONG LE HTOQ SHIT E NGHUT RI. ABRAHAM GI, YHANGMOQ LE E HTOQ HUI RI.



ABRAHAM E,
NUNG MYI SARAH GI,
YUQZO RAYUQ BALI
RA NGHUT LHE.

HE-HE-HE


NGO I MANG
SU, ABRAHAM LE JE
MANG BE, NGO GI,
NGON HKYO DUM WO
RA LHU?



SARAH GI, YANG, ZOSHANG
RAYUQ BALI RA GA YANG LE
GARAI GASANG TAI E HKUN,
HAI MU WUI LHE LAQ?

NGO A WUI YO.

NANG, GE GE WUI RI.
NANG A LUMJING NGHUT RI.
NANG E MATU WUI DIK E HKYO JOQ
RI LHU? NANG ZOGUNG WUN RA HKYING
JE JANG NGO DUM LE RA HAU HKUN,
NANG ZOSHANG HKAU RA NGHUT LHE.



SODOM EQ GOMORAQ
MYUQ MA E YUBAK MARA GI,
GYAI YANG MYO BYUQ BE
NGHUT MU, MYUQ HAU I MYUQ LE
LE, HAU MA E YUQGE, MYIWE,
ZOSHANG WUI BANSHOQ LE,
NGO LHOQ HTEN PYAM RA
NGHUT LHE.



NGO HKASU KUT RA
HKYO, ABRAHAM LE TAI KYO
RA LHU? YANG GI, ZODU MYO
MYO E YANGWA DUT RA NGHUT
LHE. YANG GI, YANG E ZODU
WUI LE LE, YANG E GASHU WUI
LE LE, NGA E JINO GYO RA
MATU MHOQSHIT RA SU
NGHUT LHE.

NGHUT RO,
YHANG, HAU
HKYO LE SE
RA RI.

NGHUT KOLHANG,
NGA E GUMANG LOT EQ
YHANG E YHUMBYU WUI
GI, HAU MA NYI LHE.



MYUQ HAU MA, DINGMAN BANG 50 YUQ NYI E NGHUT JANG, MYUQ HAU LE HKYI YU RA NGHUT LHE.

GARAI GASANG GI, DINGMAN BANG LE, AGE ASHOP E BANG EQ RAHA LHOQ HTEN RA SU A NGAM. MYUQ HAU MA, DINGMAN BANG 50 YUQ NYI E NGHUT JANG, HAU DINGMAN BANG 50 YUQ E YANMAI, MYUQ HAU LE A HKYI YU RA LHU? BYU BANSHOQ BANG LE TARA JEYANG E HKYO GI, JO E DONG KUT E LE, NGO SE LHE.

NGO GI, A SANSENG SU NGHUT LHE MU, GARAI GASANG LE NYO RA A GINGDAN, NGHUT KOLE, DINGMAN BANG 45 YUQ NYI E NGHUT JANG GI, NGO YUQ SHAU E YANMAI, MYUQ HAU LE A LHOQ HTEN RA LHU?

HAU MA 45 YUQ NYI E NGHUT JANG GI, NGO A LHOQ HTEN.

40 YUQ ZA NYI E NGHUT JANG GI, HKASU LHU?

DINGMAN BANG HAU 40 YUQ E YANMAI, NGO, MYUQ HAU LE LHOQ HTEN RA A NGHUT.

NGO LE HKA-NHIKYO, 30 YUQ ZA NYI E NGHUT JANG, HKASU LHU?

HAU 30 YUQ E YANMAI, MYUQ HAU LE NGO A LHOQ HTEN.

20 YUQ ZA NYI E NGHUT JANG, HKASU LHU?

MYUQ HAU MA, DINGMAN BANG 20 YUQ NYI E RU NGHUT LE GI, NGO, MYUQ HAU LE LHOQ HTEN RA A NGHUT.



JEJU MAI HKALHU NHIKYO SHI. JE HTANG MA RADAM MYI NAU ASHI. MYUQ HAU MA, DINGMAN EBYU 10 YUQ ZA NYI E NGHUT JANG, NANG, MYUQ HAU LE LHOQ HTEN SHIRA LHU?

A LHOQ HTEN, MYUQ HAU MA DINGMAN BANG 10 YUQ NYI E NGHUT JANG, NGO, LHOQ HTEN RA A NGHUT.

10 YUQ NYI E NANG A MYANG JANG, JEJU MAI, NGA E GUMANG LOT LE NANG SIDIQ BYI RA LHU?

YHANG LE, HKU-MYIN NGAMOQ E KUM RA NGHUT LHE.



HAU MALMANG I YUQ GI, HAU MYINTANG MYUQ HAU MA WANG MU, LOT E YHUM NHAM MAI SO LAI LO NYI AKO.

A HKYUQ DIK E YHANG RU NGHUT RI, NGO MYIT E HTOQ MA JE RIYHANG LADU LAI TO RI.

HAI MU, GARAI GASANG GI, ZOSHANG WUI EQ DUSAK PE LE LHANG A MYHIT TO LOSHOQ, YUQ HKANGMO LE LHOQ HTEN RA GA E LE, AHKUI, NGO SE GYO BE.



HEI, NUNGNHIK GI, SHI MA SO YONG WUN AKO LHU? GYO KEQ, HKYO SHI MA NUNGNHIK A WO NYI TO KO RA NGHUT LHE.

HEI GI, BYU SIK, YHANG NHIKNGHUT AKO. NGA-NHUNG, GOBANG LE LO TAI KYO SHANG.



LOT, HAU NHIK
LE NHANG HTOQ KAT
BYI AQ, YHANGNHK EQ
NGAMOQ GUNGSHO
ZUM YAP NAU RI.

LO BYUQ KEQ,
HAU SU E AGE ASHOP
HKYO LE NUNGMOQ
HKAKUT KO.

YHANG GI,
NGA-NHUNG HTOQ
HKIK LHE LHU?

NGAMOQ GI,
HKUM BAT HTONG MU,
NANG LE LE, BYU BING
NHIK LE LE, JE ASHOP
E DONG KUT RA
NGHUT LHE.

A NGUI
DIK O!

GE GE YHANG,
NGAMOQ GI, NANG BYIZO
PE LE A O NAU, HAU BYU
YUNG NHIK LE SHEQ
RU O LHE.



HAU YHUMSING
GARAI GASANG GI,
NUNGMOQ LE MYOQ
JIT NHANG RA
NGHUT LHE.

YHANGMOQ
HKA LO
BEKO?

NGO A WO
MYANG LO, HAI
DUT BE LAQ?

HAI MU
TUQ TUQ CHUT
LHE LAQ?

SHI GI,
HKASU E A-TSAM
WA LAQ?



NUNGMOQ GI, MYUQ SHI
MAI HTOQ LO RA DUT LHE
NUNGMOQ SIDIQ BYI NAU E SU O
LE LE, SIDIQ BYI KEQ HKOI. GARAI
GASANG GI, DINGMAN SU NGHUT
LHE MU, MARA SHI LE JAN
NYI RA A NGHUT LO.

NAPMA, GARAI
GASANG GI, SHI MAU SHI
MYI MA, MAUHKUNG MAI HANG
MYI GYO LO NHANG RA NGHUT
LHE. SODOM EQ GOMORAQ
MYUQ MA NYI E LHUNGHLANG
BANG SHI HTEN BYUQ RA
NGHUT LHE.



HAN KEQ, MYI
GI, GYO LO RA ZA
NGHUT BE; O YUQ LE
WO HPANG RA A
NGHUT.

GARAI GASANG
TAI LE, MYUQ NYE
NYI E HKUN HTANG
SHUT HKA LHING
WU KO GA RI.



HTANG SHUT HKA
LHING WU KO!

YHI...!



OH! AWA E,
ANU GI, GARAI JINO
A GYO NGHUT RI.
YHANGGI, XOZING
DUT BYUQ BE.

HKA LHING
WU! XOQ LUI RU
SO AQ!



SODOM EQ GOMARAQ MA NYI E DUI
MIDUI, DO MIDO LHUNGLHANG SHI
BYUQ BE NGHUT RI. GARAI GASANG
GI, DINGMAN SU NGHUT LHE MU,
YUBAK MARA LE A NGUI NGHUT RI; JE
LUI GI, YUQGE YHANGCHANG, MYIWE
YHANGCHANG GUNGSHO ZUM YAP E
HKYO LE A NGUI NGHUT RI. ZOSHANG
WUI MAI HKYOT GUNGSHO ZUM YAP
HKYO KUT E GI, ASHOP DIK E HKYO
NGHUT RI. GARAI GASANG GI, HKA-
NHAM LE, MINGKAN LE WUI EQ A
LHOQ HTEN LO GA DANGGIDIQ BYI TO
RI. HTANG MA GI, MYI EQ SHEQ LHOQ
HTEN RA GA RI. YUBAK MARA E AHPAU
GI, SHI HKYO - GUNGSHO SHI E EQ,
NGARAI MYI MA AHTUM ABYUQ SHI E
HKYO NGHUT RI. GARAI JEJU MAI,
LOT GI, GARAI E YUBAK DAM BYI HKYO
MAI HKYI YU E HUI BE NGHUT RI.
YHANG MYI KUM GI, HTANG SHUT HKA
LHING WU GA SIDIQ MO BYI E GARAI
GASANG LE A LUMJING NGHUT RI.

LOT E, NANG GI, MYUQ HAU MA
SHI BYUQ RA ZA NGHUT LHE WA, GARAI
GASANG, NANG LE SHOQYO NHIKMYIN
YU LUI, NGO, GYAI YHANG GABU RI. GARAI
GASANG GI, YUBAK MARA EQ AGE ASHOP
HKYO LE A NGUI E NGHUT LHE. NANG
GI, HAU SU E BYU PE MAI WE
WE NYI RA LHE.

NUNG MYI E HKYO
LE WO GYO MU, NGAMOQ
MYIT GYAI YHANG A NGON.
NANG AHKUI HKASU KUT
RA LHU?

NGAMOQ, HKA-
NHAM LE HAU SU
DUM DUT RA A
NGHUT LO.

LOT GI, YHANG E BYIZO
NHIKTANG EQ HTOQ LO
BYUQ BEKO. GARAI
GASANG GI, ABRAHAM LE
XOQ LUI SHIMAN BYI RI.

YUBAK MARA LHUNGLHANG E
DAM GI, HKA-NHAM LE SHI-
NO HKYO CHYAT NGHUT RI,
HKA LE A WO LUT.



GARAI GASANG GI, SARAH ZOSHANG HKU RA GA DANGGIDIQ BYI TO E NGHUT RI. ABRAHAM EQ SARAH GI, LANG MYUNG LUJ, MYIT WUM YOM LO BEKO NGHUT RI.

ABRAHAM, NANG HAI DUT LO BE LHU? ZAN WUT MYANG MYANG HAI SU A NGHUT WU LO.



MAI HPO YHANG! LHOMO SUM HKYAP GYORO MA, SARAH ZONGUNG WUN BE HKYO LE, O YUQ LE SE BEKO!



GARAI GASANG TAI E EQ RAJUNG ZA, YHANG LE, NGA-NHUNG, ISAK NGHU MYHING BYI SHANG. YHANG GI, BYU MYU MO E YHANGWA DUT RA NGHUT LHE.

NGHUT RO, NGO, ZOSHANG HKU RA NGHUT LHE GA GARAI GASANG TAI E HKUN, NGO GI, WUI NAI PYAM E NGHUT LHE. NGO MYHO MANG SU, NGA ZO SING LE NAI HUQ RA NGHUT E LE, O YUQ GE LUMJING RA LHU?

GARAI GASANG GI, DANGGIDIQ ZUNG RI. YHANG DANGGIDIQ EQ RAJUNG ZA HKA-NHAM LE KUT BYI RI.



HAGARA CHYANG MA E, ABRAHAM E YHANGZO ISHMAELAQ GI, AHKUI 14 ZAN BO LUJ, ZOSHANG NYHEQNU SIK LE A NGUI KUT RI.

NGO WUI TIQ HUI E YANMAI, EGUDUQ BYU HAI LE, NGA ZO ISAK EQ RAHA A NYI NHANG NAI.



DUI-NHANG ZOSHANG MYHI EQ YHANGZO LE HKAT HTOQ PYAM AQ. YHANG ME GI, DANGGIDIQ BYI TO E ZOSHANG ISAK EQ RAHA MUIZE HAI LE WO HKAM YU RA A NGHUT.

GARAI GASANG, ABRAHAM LE TAI E GI, "SARAH TAI E JO RI. HAGARA EQ ISHMAELAQ LE NHANG HTOQ PYAM AQ. ISHMAELAQ GI, ISAK EQ RAHA MUIZE HKAM SU DUT RA A NGHUT. NGHUT KOLHANG, NANG MYIT A NGON HKA DUT, YHANG ME LE NGO WU ZUNG RA. ISHMAELAQ GI, NUNG ZO NGHUT E YANMAI, YHANG CHYANG MAI BYU MYU MO HTOQ NHANG RA NGHUT LHE. NGHUT KOLHANG, TSADAN LE LING PYAM RA DANGGIDIQ TO E HKYI YU SU GI, ISAK MAI LO RA NGHUT LHE, ISHMAELAQ MAI LO RA A NGHUT." GA RI.




ISAK GI, KO LO MU, YUDAQ BYU PE BANSHOQ E USHUQ DUT E HKUN, ISHMAELAQ GI, KO LO MU, ARABIC BYU BANSHOQ E IWA DUT BE NGHUT RI. ARAP BANG EQ YUDAQ BYU PE GI, GUMANG RAHKYAM NGHUT BUM AKO.



ABRAHAM GI, YHANGZO ISAK LE CHYITDAP MU, YHANG HPE GI, A WO GANG LO DUT BEKO.

NANG GI, MAUHPO ZOSHANG NGHUT RI. NANG GI, MINGKAN LE YUBAK MARA MAI HKYI YU RA SU NGHUT RA LHU?



AWA, NANG GI, HAI MU, SHI I YUNG E SALU ZO PE LE SAT LUJ, LUQ BUM HTOQ MA NYHE PYAM LHE LHU?

MAUHKUNG EQ MYIGUNGE GARAI GASANG GI, CHYOIYUNG E EQ SAN YUNG E SU NGHU RI. NGO SU E YUBAK BYU HTOQ MA GI, SAN YUNG DIK SU NGHUT RI. SANG-HI YUQ ADAM GI, GARAI GASANG E JINO GYO MU, HAU HKLIN MAI, XANGZO BYU PE GI, YUBAKDAP BANG DUT BE NGHUT RI.

ADAM, MARA KUT SHUT JANG SHI RA NGHUT LHE GA GARAI GASANG TAI TO RI; NGHUT KOLHANG, ADAM MARA KUT SHUT E HKLIN GI, GARAI GASANG, DUSAK LE SAT MU, HAU E SHOKUQ LE, ADAM EQ EWAG E HOQ HKYO LE NGHOP BYI RI.

SALU ZO RADU LE SAT MU, GARAI GASANG LE NHONG BYI E HKLIN GI, NGA E YUBAK MARA LE SE GYO MU, MARA A BO E SALU ZO LE NGA JOWO MA NHONG BYI E HKYO TUN SHIT E NGHUT LHE.

ISAK GI, KO LO, WUM BO LO MU, YHANGWA E GARAI GASANG LE LUMHKAU E HKYO MHOQ YU BE. ABRAHAM GI, YHANG LE GYAI CHYIT MU, ANUM NUM YHANG PE RAHA NOQKLUQ LUJ, HKLUNGA NHONG BYI AKO. SALU ZO LE GI, SAT MU, KAUGYAP HTOQ MA KE LUJ, NYHE HKYO PYAM RI.



ABRAHAM, NANG CHYITDAP E NANG ZOTE ISAK LE SHUI MU, YHANG LE MYI NYHE HKLUNGA DONG NGO LE NHONG BYI AQ.



GARAI GASANG E, HAI MU HAU SU E HKYO KUT NHANG LHE LHU? HAU GI, NANG O E HKYO SU A DUT. TUNGBAU PE SHEQ XANGZO BYU HKLUNGA NHONG BYI LHE MHAI! NGA ZO ISAK DONG MAI BYU MYU MO HTOQ NHANG RA GA NANG TAI E NGHUT LHE MHAI. NGO, YHANG LE SAT PYAM E NGHUT JANG, NANG E DANGGIDIQ GI, HKA DONG DIK RA LHU?



... NGHUT KOLHANG, NANG GI, GARAI GASANG NGHUT LHE. NGO GI, A SE GYO KOLHANG, NANG E JINO GYO RA.



SUM NYI KO WE E HKYOWUI NGHUT MU, NGA HPE RABAT KO HKYO HTOQ RA NGHUT LHE.

RAGO SIDIQ KEQ, NGO LE, NUNG HPE E MATU KYU DUNG BYI RA.



SUM NYI LAI HTANG MA.

AWA, BUM HE MA NGHUT RI. NGA HPE GI, MAU A CHUT SHI MA JE RA NGHUT LHE.

NGHUT LHE, NGA HPE GI, E MU, E NOGKIQ LUI, DUM TAU LO RA NGHUT LHE.



AWA E, NGA HPE GI, HTANG LE WO BE, KALGYAP LE GI, NANG SAI RA NGHUT LHE, NGHUT KOLHANG, SHIGU HKUNGGA GI, HKA MA LHU?

ISAK E, GARAI GASANG, NGO LE NYO E H KYO EQ, NANG NU EQ NGO ASAK KO BE LE ZOSHANG WO NHANG E H KYO LE, NGO HKASU TAI KYO E LE NANG BUM RI LHU?



SHI DA GI, NANG LE, NGO, MYI NYHE HKUNGGA KUT RA LHE GA YHANG TAI RI.

NGO LUQ? AWA, GE GE NGHUT LHE LHU?



NGO GI, AMYU HKUNG XOQ DUT MU, BYU MYU MO E USHUQ DUT LUI, NGA ZO PE GI, MAUHKUNG MA E KYI PE MYHO MYO RA NGHUT LHE GA GARAI GASANG NANG LE TAI KYO E A NGHUT LHI? NGO SHI BYUQ E NGHUT JANG, GARAI GASANG E DANGGIDIQ GI, HKAMA LHU?

NGHUT KOLHANG, NGO SHI JANG GI, HAU HKASU GE DUT RA LHU?

AWA E, NGA HPE GI, HAI WA DUT KOLHANG, GARAI GASANG E JINO GYO RA DUT LHE.

GARAI GASANG GI, HAI DANGGIDIQ BYI TO LE LE WO LHOQ DIK SU NGHUT E LE, NGO MHOQ YU BE NGHUT LHE. NANG GI, BYU MYU MO E IWA DUT RA NGHUT LHE GA YHANG TAI E NGHUT JANG, NANG SHI KOLHANG DUT RA NGHUT LHE.

NGO A SE, YHANG, NANG LE SHI E MAI LHOQ TUI TOQ YU E ZA A NGHUT JANG, HAU HKYO WO DUT RA A NGHUT.

ABRAHAM GI, GARAI GASANG E JINO GYO NYI E LE YHANG SE KOLHANG, MYI NYHE HKUNGGA SAI E HKUN, MYIT A NGON DUT E EQ YHANG LOQ NAN E HKYO DUT RA RI.



YHANG GI, YHANGZO E LOQ EQ HKYI MA TUI MU, KAUGYAP HTOQ MA KE LUI, YHANG E LINGZING MA SHAMHTO WING TO RI.



ABRAHAM GI, LUMJING MYIT MAI GARAI LE KYU DUNG MU, SHAMHTO TU TOQ KAT RI. YHANG GI, HTAU SAT RA ZA NGHUT E HKUN, MAUHKUNG MAI HTE HTOQ LO E LE WO GYO RI.



ABRAHAM!
ABRAHAM!
ZOSHANG LE
HKAZANG HTUNG.



NANG GI, NUNG ZO ZOTE LE LHAND NGO LE BYI PYAM RA DA SHOQ JINO GYO BE NGHUT E YANMAI, AHKUI, NGO, NANG LE LUM BE.



ABRAHAM TU WU KAT LE, SIKBYAP HKAI MA BAINAM ZO RADU NYI TO E LE MYANG RI.

AWA WU AQ, GARAI GASANG GI, NGA E JOWO MA HTAI RA BAINAM ZO RADU HEN BYI BE NGHUT RI.

ABRAHAM E, NANG GI, NANG YUQZO TE LE LHAND A MYHIT TO LOSHOQ SHI HKYO KUT BE NGHUT E YANMAI, NGO GI, NANG LE SHIMAN BYI MUI MAUHKUNG MA E KYI PE SU NANG E ZODU WUI LHOQ MYO BYI LUI, NANG E AWUT ASHIN PE GI, SHI MAU LE SING KOMU, NANG E GYE PE LE LHOQ HTEN PYAM KO RA NGHUT LHE. HAU HTOQ AGO, NANG E ZODU WUI MAI HKU LO RA SU RAYUQ E YANMAI, MYIDAM HTOQ MA E BYU MYU LHUNGHLANG BANG SHIMAN BYI E HUI RA NGHUT LHE.



AWA E, NANG TAI E EQ RAJUNG, YHANG GI, SHOGYO NHIKMYIN E GARAI GASANG NGHUT RI.



ABRAHAM GI, ISHMAELAQ EQ ISAK GA E YUQZO I YUQ WO RI. ISAK GI, ABRAHAM LE BYI TO E DANGGIDIQ LHOQ DIK RA MATU, GARAI GASANG HKYIN TO E YUQZO NGHUT RI. ISAK GI, YAKUP GA E YUQZO RAYLUQ WO RI. HTANG MA, YAKUP LE GI, ISRAELAQ GA MYING HTAI MYHING BYI RI. YAKUP GI, YUQZO RAXE I YUQ WO RI. HAU PYAT MA, YHANGMOQ E IKUN BYU PE GI, EGLUDUQ MING MA GYO LO MU, JUN DUT KO E NGHUT LHE (B.C. 1706).



YAKUP E YHANGZO RAXE I YUQ GI, ISRAELAQ BYU HU RAXE I HU DUT BEKO NGHUT RI.

ISHMAELAQ GI, HKOKHAM ZO RAXE I YUQ WO MU, ARABIK BYU PE DUT BEKO NGHUT RI.

ISHMAELAQ

ABRAHAM

ISAK (B.C. 1896)

YAKUP (B.C. 1836)